

ORDENANZA Nº 12

ORDENANZA FISCAL REGULADORA DA TAXA POLA PRESTACIÓN DO SERVICIO DE ABASTECIMENTO DE AUGA

ARTIGO 1º.- FUNDAMENTO E REXIME

No uso das facultades concedidas polos artigos 133.2 e 142 da Constitución, polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Texto Refundido da Lei Reguladora das Facendas Locais aprobado polo Real Decreto Lexislativo 2/2004, de 5 de marzo, este Concello modifica a "Taxa pola prestación do servizo de distribución de auga, gas, electricidade, e outros abastecementos públicos incluídos os dereitos de enganche de liñas e colocación e utilización de contadores e instalacións análogas, cando ditos servizos ou subministros sexan prestados por entidades locais", a que se refire o artigo 20.4.t) do citado Real decreto legislativo, que se rexerá pola presente Ordenanza Fiscal, e cuxas normas atenden ao previsto no artigo 57 do mesmo texto legal.

ARTIGO 2º.- FEITO IMPOÑIBLE

Constitúe o feito imponible desta taxa:

- 1.- A actividade municipal técnica e administrativa, tendente a verificar si se dan as condicións necesarias para autorizar a acometida á rede de abastecemento de auga municipal.
- 2.- A prestación do servizo de subministro de auga.

ARTIGO 3º.- SUXEITO PASIVO

- 1.- Son suxeitos pasivos desta taxa, na condición de contribuíntes, as persoas físicas e xurídicas, así como as comunidades de bens, herdanzas xacentes e demais entidades ás que se refire ó art. 35.4 da Lei xeral tributaria que soliciten ou resulten beneficiadas ou afectadas polos servizos prestados polo Concello a que se refire o artigo anterior.
- 2.- Terán a condición de substitutos do contribuínte, os propietarios dos inmobles, que poderán repercutir, no seu caso, as cotas sobre os respectivos beneficiarios.

ARTIGO 4º.- RESPONSABILIDADE SOLIDARIA E SUBSIDIARIA

- 1.- Responderán solidariamente das obrigas tributarias do suxeito pasivo as persoas ou entidades ás que se refire o art. 42 da Lei xeral tributaria.
- 2.- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 43 da Lei xeral tributaria.

ARTIGO 5º.- BASE IMPOÑIBLE

Tomarase como base para a determinación do importe da taxa os custos directos e indirectos necesarios para garantir o mantemento e desenvolvemento razoable do servizo de abastecemento de auga.

ARTIGO 6º.- COTA TRIBUTARIA

A cota desta taxa será a seguinte:

I.- AUTORIZACIÓN DE CONEXIÓNS Á REDE

Tarifa.....220,65 euros

II.- PRESTACIÓN DO SERVIZO DE SUBMINISTRO DE AUGA

Na percepción da taxa seguirase o criterio de progresividade por escalas, aplicándose a tarifa correspondente a cada un dos tramos e facturando ao usuario o resultante da suma de todos eles:

A) USOS DOMÉSTICOS

Consumo de 0 a 48 m3:6,30 euros ao cuatrimestre
De 48 ata 96 m3:0,1640 m3
Mais de 96 m3:0,1968 m3

B) USO COMERCIAL, INDUSTRIAL E OBRAS:

Consumo de 0 a 48 m3:8,82 euros ao cuatrimestre
De 48 ata 96 m3:0,2296 m3
Mais de 96 m3:0,2756 m3

Para a confección da liquidación tributaria, en aplicación das tarifas establecidas no epígrafe II, terase en conta as seguintes normas:

- 1.- O consumo mínimo a facturar aos usuarios non poderá ser inferior a 6,30 €/m3 ao cuatrimestre para usos domésticos e 8,82 €/m3 para usos comerciais, industrias e obras.
- 2.- Como norma xeral a determinación do consumo que realice cada usuario concretarse mediante diferenza entre a lectura do contador de medida de dous períodos consecutivos.
- 3.- Os subministros que non posúan contador ou non esté dado de alta no padrón do concello, ou pese ao cumprimento dos requisitos anteriores sexa utilizado de forma fraudulenta, facturaranse por un mínimo de 200m3 para usos domésticos, e 500 m3 para usos comerciais, industriais e obras.”

ARTIGO 7º.- EXENCIÓNS E BONIFICACIÓNS

De conformidade co disposto no artigo 9.1 do TRLRFL, non se recoñecen outros beneficios fiscais que os expresamente previstos nas normas con rango de lei ou os derivados da aplicación dos tratados internacionais.

ARTIGO 8º.- DEVENGO

a) Cando se trate de servicios non periódicos:

Se devenga a taxa e nace a obrigaón de contribuír dende se que solicite a prestación do servicio ou dende que se utiliza o mesmo sen estar autorizado.

b) Cando se trate de servicios periódicos:

A taxa devéngase o primeiro día do período impositivo, excepto no momento de alta no padrón, que se devengará a partir dese momento.

ARTIGO 9º.- PERÍODO IMPOSITIVO

O período impositivo coincidirá co cuatrimestre natural, salvo no caso de alta no servicio que abranguerá dende o día da alta ata a finalización do período impositivo e no caso de baixa, dende o primeiro día do período impositivo ata o día da baixa.

ARTIGO 10º.- LIQUIDACIÓN

a) Cando se trate de servicios non periódicos:

- Cando se trate de servicios ou actividades cunha liquidación que se poida cuantificar no momento de presentar a solicitude de prestación, liquidarase nese mesmo momento ou no momento posterior, pero sempre antes de prestar o servicio ou de realizar a actividade.
- Cando se trate de servicios ou actividades cunha liquidación que non se poida cuantificar no momento de presentar a solicitude da prestación do servicio, practicarase a liquidación unha vez prestado o servicio ou realizada a actividade.
- Se se realiza a prestación do servicio ou actividade sen mediar solicitude, liquidarase e notificarase a taxa tan pronto se detecte esta situación, esixíndose o ingreso nos prazos previstos no Regulamento xeral de recadación para a liquidación de contraído previo, sen prexuízo de abrir o oportuno expediente sancionador por infracción tributaria.

b) Cando se trate de servicios periódicos:

- Practicarase una liquidación cuatrimestral ao 30 de abril, 31 de agosto, e 31 de decembro.

ARTIGO 11º.- INGRESO

O pagamento desta taxa realizarase:

- Cando se trate de liquidacións cunha cuantificación que se poida efectuar antes de presta-lo servicio ou levar a cabo a actividade,

realizarse o ingreso antes da prestación do servizo ou realización da actividade nas entidades financeiras que se sinalen na liquidación.

- Cando se trate de liquidacións cunha cuantificación que non se poida efectuar con anterioridade á prestación do servizo ou realización da actividade, farase o ingreso nos prazos e lugares que se sinalen na liquidación.
- Cando se trate de liquidacións periódicas, nos prazos e nos lugares que se sinalen no edicto de exposición ao público.

ARTIGO 12º.- NORMAS DE XESTIÓN

1.- As persoas ou entidades interesadas na prestación dos servizos que se citan no artigo 2 desta ordenanza, deberán presentar solicitude por escrito na que se detalle o lugar para o que se solicita. Á solicitude de alta deberá achegar:

- a) Identificación do substituto do contribuínte (achegando copia do NIF), e se non fora o mesmo, identificación do contribuínte (achegando copia do NIF).
- B) Copia do título de propiedade do inmovible obxecto do servizo.

2.- Unha vez autorizada a prestación do servizo entenderase prorrogado mentres non se presente declaración de baixa polo interesado, a non ser que se trate de servizos non periódicos.

3.- O substituto do contribuínte, estará obrigado a comunicar as variacións de orde físico, xurídico, ou económico que se produzan nos inmovibles ou actividades gravadas pola taxa. Ditas declaracións deberán presentarse no rexistro xeral deste Concello antes de que finalice o cuatrimestre natural de facturación. No caso de falla de presentación de declaración ou presentación extemporánea desta, os efectos da mesma terán lugar no período impositivo seguinte ao da presentación, sen prexuízo das sancións que se puideran impoñer.

4.- A colocación do cadro con contador e accesorios, realizarase respectando estrictamente as condicións que lle sinale o Concello na licenza que preceptivamente se expida. En caso de dúbida, o lugar de emprazamento será fixado polos servizos técnicos municipais.

ARTIGO 13.- INFRACCIONS E SANCIONS

No tocante a cualificación das infraccións tributarias e as súas correspondentes sancións, estarase ó disposto nos artigos 183 e seguintes da Lei xeral tributaria e demais normativa aplicable que a desenrola.

DISPOSICIÓN ADICIONAIS

1.- A contía da taxa poderase actualizar conforme ao Índice de Prezos do Consumo (IPC) establecido para o Estado polo Instituto Nacional de Estatística (INE).

2.- O cálculo da actualización farase tendo en conta a evolución do IPC durante o período comprendido entre o mes de agosto do ano no que se aprobara a

última actualización e o mes de xullo do ano inmediatamente anterior ao da súa aplicación, ambos inclusive.

3.- A actualización requirirá, para a súa efectividade, a súa aprobación polo Pleno, conforme ao procedemento previsto no artigo 17 do Real Decreto Lexislativo 2/2004.

DISPOSICIÓN FINAL.- A presente modificación da Ordenanza, aprobouse polo Pleno en sesión de data 10 de novembro de 2009, e, unha vez publicada integramente no Boletín Oficial da Provincia, entrará en vigor o 1 de xaneiro de 2010 permanecendo vixente en tanto non se acorde a súa modificación ou derogación.

DISPOSICIÓN DERROGATORIA.- A presente Ordenanza fiscal derroga á actual "Taxa pola prestación do servizo de distribución de auga, gas, electricidade, e outros abastecementos públicos incluídos os dereitos de enganche de liñas e colocación e utilización de contadores e instalacións análogas, cando ditos servizos ou subministros sexan prestados por entidades locais".